

## Geisterhuus

- Leila Yes! Ech ha's gschafft, de Wäg is nöchste Level esch frei!! (*Schaut auf die Uhr*) Hmm, 11i... söll ech jetzt schlofe... äh was, ech be vel z ufgregt zom Schlofe. Ond «Go» - los gohts!
- Stimme (Iria) \*Sound\* Willkommen i de Meisterklass. Das Level isch nor öppis für hartgsottni MMOG-Mega-Players: Du bruchsch starchy Närve, en guete Spürsinn ond du muesch onerschrocke si. Zeig dis Können im «Geisterhuus».
- Leila Das isch voll mis!
- Stimme (Iria) Es isch öppis schräg i däm Geisterhuus  
**Spielerinnen** Hesch Ziit bes Mitternacht – **ich schaff das!**  
 Gfend de heilig Schatz, suscht nimmts der de Pfuus  
 Hesch Ziit bes Mitternacht – **ich schaff das!**  
 I däm Geisterhuus hed es Chind mol gläbt  
**Was isch mit dem passiert?** Erlöses!  
 S isch im Zimmer gsi, do hed d Erde bäbt  
**Was isch mit ihm passiert?** Erlöses!
- Stimme Du hesch genau 12 Stond Ziit. Find de Schatz ond verbrönnen im Fүү.
- Spielerinnen** **Ech ha käi Angscht vor däm Spel**
- Stimme Schaffschesch du ned, bliibsch du für emmer i däm Geisterhus gfange.
- Spielerinnen** **Ech ha käi Angscht vor däm Spel**
- Leila Das gseht zemlech verwaist us... Donkel esch's wie inere Chue! Zom Glock gähnds eim en Taschlampe. (Weiterkommentieren, was du als Spielerin machst und siehst im Video.) Wie söll ech nor en Schatz gfend, wenn ech käi Ahnig ha, was de Schatz überhaupt esch. Ah, vielleicht das Ding do. Poah, do sött mol weder öpper ufrume ond potze. (Erschrickt) OMG, was esch jetzt das gsii. Voll creepy

*Einige sind wie Leila voll dabei und finden es den Hammer, einige erschrecken sich bei jedem kleinsten Ding und wieder andere sind emotionslos am Spielen und finden es vielleicht sogar etwas langweilig.*